



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

De excitatione devotionis,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

Missæ ei præcipuè applicans, pro quo celebrare teneris, sed etiam memor ut semper in virtute ac mentis puritate proficias.

Parag. 3. De excitatione devotionis.

HÆc excitatio in eo consistit, ut Sacerdos sit devotione flagrantissimus, eo quod panem cœlestem amore calidum, & prunam igne cœlesti accensam oblaturus sit. Qualis erat ille calculus apud Isaiam cap. 6. qui Christum (teste S. Cyrillo. lib. 1. in Isa) repræsentabat: hic enim est vere carbo ignitus, intus ac foris igne plenus; vel carbunculus seu gemma pretiosa igneæ naturæ, quæ ad modum ignis fulget ac splendet, ut Sacerdos pariter hunc calculum tangens, ac gemmam in sinu recondens, remota omni tepiditate, igne charitatis & devotionis ardeat. Excitatur autem hic ignis cœlestis, a rentâ huius mysterij consideratione cuius tanta vis est, ut saxeæ, vel etiam æneæ corda ad tanti ignis præsentiam, liquefiant. Et quamquã in eo innumera sint, de quibus meditari liceret: Tamen, tria illa capita (Quis,

P

AD

AD QUEM, & QUAE DE CAUSA VENIAT) vehementer, animum commovere solent. Unde & in sequentibus 7. meditationibus per singulos hebdomadae dies distriburis (quae paulo post hic ponentur) illa capita peculiariter attingemus.

S. 4. De generali postulatione.

Postrema praeparatio consumitur in usu postulationis, in quo Sacerdos debet esse largissimus. Cum enim sit persona publica, debet tam pro se, quam pro alijs orare ijsque utilia ac profutura postulare. Neque est, quod repulsam aut audaciae sugillationem pertimescat. Cum enim Deo Patri offerat filium unigenitum, illi summè dilectum ac per omnia aequalem, sacrificium offert valoris infiniti, cuius pretium, nullis limitibus, terminisque concluditur. Quare non mirum, si Sacerdos pro tanto pretio, non tantum regni dimidium, sed integrum etiam regnum caeleste, & quae ad illud virtuosè diripiendum pertinent, postularèt. Et quamquam haec res talis sit, ut ex cuiusque affectu ac devotione pendeat, atque ex Spiritu